

ბიპი ექსპლორეიშენ (კასპიის ზღვა) ლიმიტედი და ბიპი ექსპლორეიშენ (შაჰ დენიზ) ლიმიტედი თავიანთი ბიზნესსაქმიანობის შედეგებს აქვეყნებენ პრესრელიზის სახით. ბიპი ექსპლორეიშენ (კასპიის ზღვა) ლიმიტედი აზერი-ჩირაგ-გუნაშლის საბადოს ოპერატორი, ბაქო-თბილისი-ჯეიჰანის მილსადენის მმართველი და ბაქო-თბილისი-ჯეიჰანის და სამხრეთ კავკასიის მილსადენების საერთო ოპერატორია. ბიპი ექსპლორეიშენ (შაჰ დენიზ) ლიმიტედი შაჰ დენიზის საბადოს ოპერატორია. თითოეული ამ საწარმოთაგანი გვაწვდის მათი პროექტების შესაბამის ინფორმაციას, და აკეთებს განცხადებებს თავიანთი პროექტების შესახებ.



## ინფორმაცია ბიზნესსაქმიანობის შესახებ 2023 წლის პირველი ნახევრის შედეგები

2023 წლის 3 აგვისტო

### აზერი-ჩირაგ-გუნაშლი (ACG)

ACG-ის წილობრივი მონაწილეობა: bp (30.37%), SOCAR (25.0%), MOL (9.57%), INPEX (9.31%), Equinor (7.27%), ExxonMobil (6.79%), TPAO (5.73%), ITOCHU (3.65%), ONGC Videsh Limited (OVL) (2.31%).

ბიპი ექსპლორეიშენ (კასპიის ზღვა) ლიმიტედი ACG-ის ოპერატორია, ACG-ის პროდუქციის წილობრივი განაწილების შესახებ ხელშეკრულებაში მონაწილე მხარეების სახელით.

2023 წლის პირველ ნახევარში, ACG-ის საქმიანობის ფარგლებში, ბიპი-ს და მისი პარტნიორების საოპერაციო დანახარჯი დაახლოებით 232 მილიონი აშშ დოლარი, ხოლო კაპიტალური დანახარჯი კი 746 მილიონი აშშ დოლარი იყო.

წლის პირველი ნახევრის განმავლობაში, Azeri Central East-ის (ACE) პროექტი გეგმის მიხედვით მიმდინარეობდა, ბიპი-ს სხვა პროექტების მსგავსად.

2023 წლის პირველ ნახევარში, ACE-ის პლატფორმის გარსაცმი აზერი-ჩირაგ-გუნაშლის საბადოს ტერიტორიაზე წლის ქვეშ 137 მეტრის სიღრმეზე დამონტაჟდა. გარსაცმი 16 მარტს დამონტაჟებამდე იქნა შემოწმებული.

2023 წლის პირველ ნახევარში ACE პროექტის საერთო სამუშაოების 89% დასრულდა.

### **წარმოება**

2023 წლის პირველ ნახევარში ACG-მ გააგრძელა უსაფრთხო და საიმედო წარმოება. მთლიანად ACG-მ წლის პირველი ნახევრის განმავლობაში საშუალოდ დღეში 375,000 ბარელი ნავთობი აწარმოა. (ჯამში 68 მილიონი ბარელი ანუ 9 მილიონი ტონა) შემდეგი პლატფორმებიდან: ჩირაგიდან (23000 ბ/დ), ცენტრალური აზერიდან (98000 ბ/დ), დასავლეთ აზერიდან (91000 ბ/დ), აღმოსავლეთ აზერიდან (61000 ბ/დ), გუნეშლის ღრმაწყლებიდან (67000 ბ/დ) და დასავლეთ ჩირაგიდან (35,000 ბ/დ).

მეორე კვარტლის ბოლოს, 137 ჭაბურღილი აწარმოებდა ნავთობს, აქედან 44 ჭაბურღილი წყლის და შვიდი კი გაზის ინიექციისათვის იყო გამოყენებული.

### **ბურღვა და პროექტების დასრულება**

2023 წლის პირველ ნახევარში, ACG-მ სამი ნავთობის მწარმოებელი და ოთხი წყლის ინიექციის ჭაბურღილი დაასრულა.

### **ასოცირებული გაზი**

წლის პირველ ნახევარში, ACG-მ აზერბაიჯანის სახელმწიფოს საშუალოდ დღეში 6 მილიონი კუბური მეტრი ასოცირებული გაზი მიაწოდა (ჯამში 1.1 მილიარდი კუბური მეტრი). ძირითადად სანგაჩალის ტერმინალზე, ამასთანავე სოკარის ნავთობის ქანების ობიექტზე. წარმოებული ასოცირებული გაზის ნარჩენის რეინიექცია განხორციელდა რეზერვუარში წნევის შესანარჩუნებლად.

### **სანგაჩალის ტერმინალი**

2023 წლის პირველ ნახევარში ACG-ის და Shah Deniz-ის საბადოებიდან მოპოვებული ნავთობი და გაზი ზღვისქვეშა მილსადენებით სანგაჩალის ტერმინალისკენ მიედინებოდა.

ტერმინალს ამჟამად დღეში 1.2 მილიონი ბარელი ნედლი ნავთობის და კონდენსატის გადამუშავება და შაჰ-დენიზის საბადოზე მოპოვებული დაახლოებით 81 მილიონი სტანდარტული კუბური მეტრი გაზის გადამუშავება შეუძლია. თუმცა საერთო ჯამში ტერმინალის გაზის გადამუშავების და ექსპორტის სიმძლავრე, ACG-ს ასოცირებულ გაზთან ერთად დაახლოებით დღეში 100 მილიონი სტანდარტული კუბური მეტრია.

წლის პირველი 6 თვის მანძილზე სანგაჩალის ტერმინალმა 115 მილიონზე მეტი ბარელი ნავთობის და კონდენსატის ექსპორტი განახორციელა. მათ შორის, 114 მილიონი ბარელი ბაქო-თბილისი-ჯეიჰანის მილსადენის გავლით და დაახლოებით 1 მილიონი ბარელი დასავლეთის მიმართულების საექსპორტო მილსადენის (ბაქო-სუფსის) გავლით.

გაზის ექსპორტი განხორციელდა სამხრეთ კავკასიის მილსადენის, სამხრეთ კავკასიის მილსადენის გაფართოების სისტემის და აზერბაიჯანის გაზის მილსადენების საშუალებით, რომელიც სანგაჩალის ტერმინალის გაზის გადამამუშავებელ მოწყობილობებს აზერიგაზის ეროვნულ გამანაწილებელ სისტემასთან აკავშირებს.

2023 წლის პირველი ნახევრის განმავლობაში, სანგაჩალის ტერმინალიდან ექსპორტზე დღეში საშუალოდ 72 მილიონ სტანდარტულ კუბურ მეტრზე მეტი (დაახლოებით 2,542 მილიონი სტანდარტული კუბური მეტრი) შაჰ-დენიზის გაზი გადიოდა.

### ბაქო-თბილისი-ჯეიჰანი (BTC)

ბაქო-თბილისი-ჯეიჰანის კომპანიის (BTC Co.) აქციონერები არიან: bp (30.10%), SOCAR (25.00%), MOL (8.90%), Equinor (8.71%), TPAO (6.53%), Eni (5.00%), TotalEnergies (5.00%), ITOCHU (3.40%), INPEX (2.50%), ExxonMobil (2.50%) and ONGC Videsh (2.36%).

2023 წლის პირველი ნახევრის განმავლობაში, BTC-ს საქმიანობის ფარგლებში ჩვენი საოპერაციო დანახარჯი 59 მილიონ აშშ დოლარზე მეტი იყო და კაპიტალური დანახარჯი კი 18 მილიონ აშშ დოლარს აღემატებოდა.

1768კმ სიგრძის მილსადენმა 2006 წლის ივნისში ფუნქციონირების დაწყებიდან 2023 წლის ივნისის ბოლომდე ჯამში 4.1 მილიარდზე მეტი ბარელი ნედლი ნავთობი გაატარა (546 ტონაზე მეტი). 5402 ტანკერი დაიტვირთა და გაიგზავნა მსოფლიო

ბაზრებზე. 2023 წლის 18 იანვარს, BTC-მ მნიშვნელოვან შედეგს მიაღწია ჯამში 4 მილიარდი ბარელი ნავთობი გაატარა.

2023 წლის პირველ ნახევარში, დაახლოებით 114 მილიონი ბარელი (15 მილიონ ტონაზე მეტი) ბი-თი-სი-ს მიერ ექპორტირებული ნედლი ნავთობი ჯეიჰანის ტერმინალზე 158 ტანკერში ჩაიტვირთა.

ბი-თი-სი ამჟამად ძირითადად აზერბაიჯანიდან ACG-ის ნედლი ნავთობის და შაჰ-დენიზის კონდენსატის ტრანსპორტირებას ახორციელებს. ბი-თი-სი-ს საშუალებით ასევე გრძელდება კასპიის რეგიონის ნედლი ნავთობის და კონდენსატის (ყაზახეთიდან და თურქმენეთიდან) სხვა მოცულობების ტრანსპორტირება.

### შაჰ-დენიზი

Shah Deniz-ის წილობრივი მონაწილეობა: bp (operator – 29.99%), SGC (21.02%), LUKOIL (19.99%), TPAO (19.0%) და NICO (10.0%),

2023 წლის პირველ ნახევარში, ბიპი-ს და მისი პარტნიორების საოპერაციო დანახარჯმა შაჰ-დენიზის პროექტში 1208 მილიონი აშშ დოლარი შეადგინა, ხოლო კაპიტალური დანახარჯი 408 მილიონი აშშ დოლარი იყო, მათ შორის უმეტესი შაჰ-დენიზ 2-ის პროექტთან იყო დაკავშირებული.

### წარმოება

პირველი ექვსი თვის განმავლობაში შაჰ-დენიზის საბადომ განაგრძო გაზის მიწოდება ბაზრებისთვის აზერბაიჯანში (აზერკონტრაქტისთვის), საქართველოში (საქართველოს ნავთობის და გაზის კორპორაციისთვის), თურქეთში (ბოტაშისთვის) და კომპანია ბი-თი-სი-სთვის სხვადასხვა ლოკაციებზე და მყიდველებისთვის ევროპაში.

2023 წლის პირველ ნახევარში, საბადომ ჯამში 13 მილიარდ სტანდარტულ კუბურ მეტრზე მეტი გაზი აწარმოა და დაახლოებით 2 მილიონი ტონა (დაახლოებით 18 მილიონ ბარელი) კონდენსატი შაჰ-დენიზ ალფა და შაჰ-დენიზ ბრავო პლატფორმებიდან.

შპს-დენიზის არსებული მოწყობილობების საწარმოო სიმძლავრე ამჟამად დღეში 72.6 მილიონ სტანდარტულ კუბურ მეტრ გაზზე მეტია, რაც წელიწადში 26.5 მილიარდ კუბურ მეტრს აღემატება.

## **პროექტი შპს-დენიზ 2**

2023 წლის მეორე კვარტლის განმავლობაში, შპს-დენიზ 2-ის პროექტი გეგმის მიხედვით მიმდინარეობდა და არმოსავლეთ-ჩრდილოეთის ფლანგიდან წარმოების დაწყება მეოთხე კვარტალში იგეგმება.

## **ბურღვა**

2023 წლის პირველ ნახევარში, შპს-დენიზის ალფა პლატფორმის საბურღი დანადგარი სრული დატვირთვისთვის მზადყოფნის რეჟიმში მუშაობდა.

საბურღი დანადგარების საშუალებით საერთო ჯამში 21 ჭაბურღილის ბურღვა დასრულდა. დასრულებულ ჭაბურღილებში შედის ხუთი ჭაბურღილი ჩრდილოეთის ფლანგზე, ოთხი დასავლეთის, ოთხი აღმოსავლეთ-სამხრეთის, ხუთი დასავლეთ-სამხრეთის და სამი აღმოსავლეთ-ჩრდილოეთის ფლანგებზე.

## **სამხრეთ კავკასიის მილსადენი**

The SCP Co-ს აქციონერები არიან: bp (29.99%), SGC (21.02%), LUKOIL (19.99%), TPAO (19.00%) და NICO (10.0%).

2023 წლის პირველ ნახევარში, SCP-ს საოპერაციო დანახარჯი ჯამში დაახლოებით 39 მილიონ აშშ დოლარი იყო და კაპიტალური დანახარჯი კი დაახლოებით 3 მილიონი აშშ დოლარი.

SCP 2006 წელს შევიდა ექსპლუატაციაში და შპს-დენიზის გაზს აწვდის აზერბაიჯანს, საქართველოს და თურქეთს. მილსადენის გაფართოების პროექტიდან თურქეთისთვის გაზის კომერციული მიწოდება 2018 წლის ივნისში დაიწყო და ევროპისთვის კი 2020 წლის დეკემბერში.

2023 წლის პირველ ნახევარში, SCP-ის გაზის საშუალო გატარება იყო 60.7 მილიონი კუბური მეტრი დღეში.

## საძიებო სამუშაოები

2023 წლის პირველ ნახევარში ჩვენ დავიწყეთ ჭაბურღილის მოწყობა:

- საძიებო ჭაბურღილი (SDX-8) შაკ-დენიზის კონტრაქტის მიხედვით მოეწყო. ჭაბურღილი 2023 წლის 20 იანვარს გაიჭრა და საბადოს აღმოსავლეთ ფლანგზე მდებარეობს. ჭაბურღილის მოეწყობა ზღვისქვეშ 7000 მეტრზე და საშუალებას მოგვცემს შევისწავლოთ ღრმად მდებარე ქანებში არსებული პოტენციური მარაგები. ბურღვის სამუშაოები გრძელდება.
- აზერი-ჩირაგ-გუნაშლის საბადოზე 2023 წლის 7 თებერვალს ახალი ჭაბურღილი გაიჭრა. ჭაბურღილიდან მიღებული მონაცემების შესწავლა მიმდინარეობს, რაც საშუალებას მოგვცემს შევაფასოთ ღრმაწყლებში არსებული გაზის რეზერვუარები.

შაფაგ-ასიმანის საზღვაო ბლოკზე დასრულდა ბურღვის სამუშაოები პირველ საექსპლუატაციო ჭაბურღილზე, ფასილას რეზერვუარის საბაზისო დონეზე, 7189 მეტრის სიღრმეზე. არსებული რესურსების შეფასება და შემდგომი ნაბიჯების განსაზღვრა მიმდინარეობს.

## ადამიანები

2023 წლის მეორე კვარტლის ბოლოს კომპანიაში 233 ადამიანი იყო დასაქმებული.

ბი-პი საქართველოს თანამშრომლების 99%-ზე მეტი საქართველოს მოქალაქეა.

ბი-პი-ს ძალისხმევა მიმართულია თანამშრომლების სწავლების და განვითარების პროგრამების ოპტიმიზაციისკენ და კომპანია აქტიურ მონაწილეობას მიიღებს საზოგადოებრივი და კერძო სექტორის ინიციატივებში, რათა წვლილი შეიტანოს ადგილობრივი ტალანტის ბაზრის განვითარებაში.

## სოციალური ინვესტიციები

საქართველოში, ისევე როგორც კასპიის რეგიონში, ბი-პი-ს პროექტების წარმატება გარკვეულწილად დამოკიდებულია ოპერატორის შესაძლებლობაზე შექმნას ხელშესახები სარგებელი ამ პროექტებიდან რეგიონის მოსახლეობისთვის. ამის მისაღწევად ბი-პი და მისი პარტნიორები აგრძელებენ მნიშვნელოვანი სოციალური ინვესტიციების პროექტების განხორციელებას, მათ შორის განათლების დარგში, ადგილობრივი მოსახლეობის უნარ-ჩვევების და შესაძლებლობების გაზრდის, და მოსახლეობისთვის სოციალური ინფრასტრუქტურის ხელმისაწვდომობის გაუმჯობესების მიმართულებით, მცირე ბიზნესის წამოწყების და მისი განვითარების

ხელშეწყობისთვის, დაფინანსების და ტრენინგების საშუალებით. ასევე კულტურული მემკვიდრეობის და სპორტის ხელშეწყობის და საზოგადოებრივი ინსტიტუტების ტექნიკური მხარდაჭერის საშუალებით.

2023 წლის პირველ ნახევარში ბი-პი-მ და პარტნიორებმა, (რომლებიც იმ ერთობლივი საწარმოების აქციონერები არიან, რომელთა ოპერატორიც ბი-პი-ა), საქართველოში სოციალური ინვესტიციის პროგრამების და პროექტების განხორციელებაზე 570 000 აშშ დოლარი დახარჯეს. წლის პირველ ნახევარში გაგრძელდა ადგილობრივი მოსახლეობის განვითარების ინიციატივის განხორციელება სამივე მილსადენის, (ბაქო-სუფსა, ბაქო-თბილისი-ჯეიჰანი და სამხრეთ კავკასიის მილსადენი), გასწვრივ მცხოვრები მოსახლეობისთვის.

ამასთანავე წლის პირველი ნახევრის განმავლობაში ქვეყნის მასშტაბით სხვადასხვა სოციალური ინვესტიციების პროექტებზე დაიხარჯა 60 000 აშშ დოლარი. დაფინანსდა და განხორციელდა თბილისის მუზეუმების გაერთიანების ტექნიკური მხარდაჭერის, გარემოსდაცვის/ბიომრავალფეროვნების და განათლების ხელშეწყობის პროექტები.

საქართველოში განხორციელებული სოციალური ინვესტიციების პროგრამების შესახებ დამატებითი ინფორმაცია განთავსებულია: [www.bpgeorgia.ge](http://www.bpgeorgia.ge)